



Hnub Siv Tau: Lub Kaum Ib Hlis Ntuj 18, 2020

Cov Lus Qhia Rau Lub Chaw Tsim Ua Dej Nkoog (Khov) Thoob Plaws Lub Xeev – Cov Kis Las Ua Si Rau Ntawm Lub Chaw Rau Kev Ua Si Sab Nraum Zoov, Kev Rov Qab Mus Ua Kis Las Tau Uas Muaj Ciaj Ciam rau Cov Kis Las Tshwj Xeeb

Ke v tso cai: Tsab Ntawv Txib 20-65, ORS 433.441, ORS 433.443, ORS 431A.010

Ke v siv tau: Cov lus qhia no siv tau rau kev xyaum ua cov kis las ua si rau ntawm lub chaw rau kev ua si sab nraum zoov, kev cob qhia thiab kev ua kis las rau cov kis las tshwj xeeb thoob plaws lub xeev Txwv tsis pub qhib txhua cov kis las ua si rau ntawm lub chaw rau kev ua si sab hauv tsev nyob rau lub sij hawm no.

Ke v Yuam Siv Txoj Cai: Txog rau kev siv cov lus qhia no yuav tsum ua raws li cov cai yam tsi ntsees, uas yog yuav tsum siv kom raug raws li tau qhia meej tseg rau hauv Tsab Ntawv Txib 20-65, nqe lus 11.

Cov Ntsiab Lus Tshab Txhais: Rau cov hom phiaj ntawm cov lus qhia no, yuav siv tau rau cov ntsiab lus tshab txhais raws li nram qab no:

- “Cov kis las uas lub cev sib chwv” txhais hais tias yog cov kis las uas cov neeg koom nrog yuav tsum tau sib chwv los sis yog cov kis las uas nyiam ua txhua hnub los sis cov kis las uas ua rau lub cev nyob sib ze los sis muaj kev sib chwv ntsig txog lub cev, thiab muaj xam nrog rau tab sis tsis yog tag rau kis las ncaws pob, kis las lav npij (rugby), txuj ci kev sib ntswj sib qhau (wrestling), kis las dhia tes taw txhawb nqa, kis las ntaus pob (basketball), kis las sib tw saum qaum dej nkoog (hockey), kev seev cev, kis las ntaus pob hauv hav dej (water polo), kis las ntaus pob txiv neej (men’s lacrosse).
- “Cov kis las sib chwv tsawg thiab sib chwv pes nrab” muaj xam nrog rau tab sis tsis yog tag rau kis las ntaus pob zooj (softball), kis las ntaus pob tog qws (baseball), kis las ncaws pob (soccer), kis las cuam pob (volleyball), kis las ntaus pob poj niam (women’s lacrosse), kis las sib txeeb ncaws thiab cuam pob (flag football).
- “Cov kis las tsis sib chwv” muaj xam nrog rau tab sis tsis yog tag rau kis las ntaus pob tes niv (tennis), kis las ua luam dej, kis las ntaus nkov (golf), kev caij xab kij, kis las sib tw khiav kev deb (cross country), kis las taug kev thiab khiav tom tshav puam (track and field), kis las sib tw khiav raws txoj kab/uas tsis sib chwv (sideline/no contact cheer) thiab kev seev cev.

Lub Ntsiab Lus:

Qhov kev pheej hmoo ntawm kev sib kis Tus Kab Mob Khaus Viv-19 (COVID-19) nyob ntawm seb muaj cov txuam thawj tseeb ntau npaum li cas uas muaj xam nrog rau:

- 1) Qhov coob tsawg ntawm cov neeg nyob rau hauv ib qho chaw
- 2) Hom chaw (sab hauv tsev thiab sab nraum zoov)
- 3) Kev nyob kom sib nrug deb ntawm cov neeg
- 4) Qhov ntev ntawm lub sij hawm nyob rau ntawm ib qho chaw
- 5) Theem khoom siv pov thaiv tus kheej (protective equipment) uas siv (piv txwv li cov ntaub npog ntsej muag)

Raws li cov lus qhia txog txhua yam (thuaj pais), kev nyob ua cov pab pawg uas muaj neeg tsawg nyab xeeb dua kev nyob ua cov pab pawg uas muaj neeg coob; cov chaw nyob sab nraum zoov nyab xeeb dua cov chaw nyob sab hauv tsev; cov kis las uas muaj peev xwm txuag tau kev nyob kom sib nrug deb li rau (6) fij (feet) los sis deb dua ntawd nyab xeeb dua cov kis las uas ua rau lub cev nyob sib ze; thiab kev nyob ncuaj sij hawm sai nyab xeeb dua kev nyob ncuaj sij hawm ntev. Cov tus thawj coj thiab cov xib fwb qhia txog cov kis las rau kev so ua si yuav tsum ua zoo xav txog tag nrho cov txuam thawj no thaum lawv npaj yuav rov qab mus ua kis las ua si.

Txwv tsis pub qhib txhua yam kis las uas lub cev sib chww nyob rau lub sij hawm no. Kev cob qhia thiab kev npaj tseg lub chaw rau kev ua si sab nraum zoov, xws li kis las sib tw nqa khoom hnyav, kis las sib tw khiav caws ceg raws txoj kab, thiab kis las sib tw txeeb pob (intra-squad scrimmaging), tsis muaj xam nrog rau txhua hom kis las uas yuav tau sib chww.

Cov Cai Uas Yuav Tsum Ua Kom Tau Txhua Yam (Thuaj Pais):

Cov koom haum kis las, cov xib fwb qhia, cov kws txiav txim, cov neeg ua kis las thiab cov kws cob qhia yuav tsum tau:

- Txwv tsis pub ua tag nrho txhua cov kis las ua si rau ntawm **cov chaw rau kev ua si sab hauv tsev**, xam nrog rau kev npaj tseg, kev cob qhia thiab kev sib tw.
- Txwv tsis pub cov neeg ua hauj lwm, cov kws txiav txim thiab cov neeg ua kis las uas muaj [cov tsos mob ntawm Tus Kab Mob Khaus Viv-19 \(COVID-19\)](#) tsis hais yam tsos mob twg los xij nkag mus rau hauv cov chaw los sis qhov chaw ua kis las.
- Tsis txhob txhawb siab rau ib tus neeg twg, xam nrog rau cov neeg ua kis las, uas muaj mob khaub thuas hnyav los sis muaj cov zwj ceeb mob lwm yam txuam nrog loj lawm kom mus koom txhua cov dej num (hauj lwm los sis kiv cab kas) kis las.
 - Yog hais tias ib tus nav kis las, cov neeg ua hauj lwm pab dawb los sis ib tug kws kuaj xyuas pom muaj cov tsos mob ntawm Tus Kab Mob Khaus Viv-19 (COVID-19), ib tus tswv cuab uas yog neeg ua hauj lwm yuav tsum thov kom lawv tawm ntawm cov chaw ntawd mus, muab ib daim nab kaj npog ntsej muag, daim nab kaj npog ntsej muag los sis daim ntaub npog qhov ncauj qhov ntswg rau tus tib neeg ntawd, thiab pab tus tib neeg ntawd ua kom tsis txhob muaj kev nyob sib ze nrog lwm tus ua ntej yuav tawm ntawm qhov chaw ntawd. Tsuag tshuaj tua kab

mob rau tag nrho cov chaw uas tus neeg muaj mob tau siv lawm kiag tam sim ntawd.

- Kaw cov qhov txhawv dej, tshwj tsis yog rau cov uas tawm qauv txhawm rau ntim dej rau hauv cov fwj dej yam tsis tas chww ntu nruab nrab ntawm lub fwj thiab lub qhov txhawv dej ntawd. Txhawb siab rau cov neeg ua si kom nqa cov fwj dej uas twb ntim dej rau lawm.
- Ua raws li [Cov Lus Qhia Txog Kev Siv Daim Ntaub Npog Qhov Ncauj Qhov Ntswg, Daim Thaiv Ntsej Muag, Daim Ntaub Npog Ntsej Muag Thoob Plaws Lub Xeev](#). Rau ib daim ntaub npog qhov ncauj qhov ntswg, daim nab kaj npog ntsej muag, los is daim ntaub npog ntsej muag, thaum tab tom koom nrog rau hauv ib qho kev ua kis las rau ntawm lub chaw rau kev ua si sab nraum zoov Daim ntaub npog ntsej muag ntawd yog txhais hais tias txhawm rau kom pov thaiv tau lwm cov neeg yog hais tias koj kis tau kab mob lawm. Cov neeg yeej muaj peev xwm kis tau Tus Kab Mob Khaus Viv-19 (COVID-19) mus rau lwm tus tab txawm hais tias lawv tsis hnov muaj mob li los xij.
- Tso [cov paib qhia meej tseeb](#) hais txog cov kev cai uas yuav tsum ua kom tau txog kev siv daim ntaub npog qhov ncauj qhov ntswg, daim nab kaj npog ntsej muag, los is daim ntaub npog ntsej muag.
- Sib txuas lus kom paub tag nrho cov cai thiab cov ntaub ntawv qhia txog cov chaw rau cov neeg ua kis las/cov neeg koom nrog, cov kws txiav txim, cov niam thiab txiv, cov neeg saib xyuas me nyuam, thiab cov neeg saib xyuas (tu) ua ntej kev rov pib los sis kev pib lub caij nyooq ntawd.
- Kaw cov pas dej rau kev ua luam dej ua si uas muaj daim ntawv tso cai, cov pas dej rau kev ua luam dej ua si uas muaj chaw zuaj ntsej muag thiab ib ce uas muaj daim ntawv tso cai rau ntawm lub chaw rau kev ua si sab hauv tsev thiab lub chaw rau kev ua si sab nraum zoov thiab cov tsev rau kev ua kis las rau ntawm lub chaw rau kev ua si sab hauv tsev.

Kev Tu Ntxav Kom Huv Si thiab Tsuag Tshuaj Tua Kab Mob:

Cov koom haum kis las, cov xib fwb qhia, cov kws txiav txim thiab cov kws cob qhia yuav tsum tau:

- Nquag tu ntxuav kom huv si thiab tsuag tshuaj tua kab mob rau cov khoom siv sib koom ua ke. Qhov no muaj xam nrog rau, tab sis tsis muaj ciam hais txog, khoom siv xws li cov tus qws ntaus pob thiab cov ntxaij ntaus pob. Siv cov tshuaj tsuag tua kab mob uas raug xam muaj nrog nyob rau hauv [Lub Chaw Ua Hauj Lwm Saib Xyuas Txog Kev Pov Thaiv Cheeb Tsam Ib Puag Ncig \(Environmental Protection Agency, EPA\) daim ntawv teev npe uas tau txais kev pom zoo siv tau](#) rau tus kab mob vais lav (virus) SARS-CoV-2 uas ua rau tshwm sim muaj Tus Kab Mob Khaus Viv-19 (COVID-19).
- Yuav tsum hais kom cov neeg ua hauj lwm, cov kws txiav txim thiab cov neeg ua kis las xyaum ua kev nyiam huv rau fab kev noj qab haus huv xam nrog rau kev nquag ntxuav lawv ob txhais tes thiab kev npog thaum lawv txham thiab hnoos. Siv dej thiab xab npum ntxuav ob txhais tes kom huv si tas li yam tsawg li 20 chib (xes nkoos), tshwj xeeb mas yog tom qab kev tuav (chww) cov khoom sib koom siv los sis kev tshuab ntswg, kev hnoos, los sis kev txham. Zam tsis txhob tuav (chww) koj ob lub qhov muag, qhov ntswg thiab qhov ncauj.

- Yog hais tias tsis muaj xab npum thiab dej, siv tshuaj ntxuav tes tua kab mob uas muaj cawv nrog txog li 60-95%. Muab plev rau tag nrho cov chaw (npoo los sis ntug) ntawm koj ob txhais tes thiab muab sib txhuam ua ke kom txog ntua rau thaum nws qhuav.
- Txhawb siab rau cov neeg ua kis las thiab cov kws txai txim kom yuav tsum nqa lawv li tshuaj ntxuav tes ntiag tug rau kev siv ntawm tus kheej. Txhawb siab rau cov koom haum kis las kom yuav tsum tau tsim kom muaj cov chaw ntxuav tes thiab/los sis tshuaj ntxuav tes tua kab mob.
- Nquag tu ntxuav kom huv si thiab tsuag tshuaj tua kab mob rau cov chaw uas muaj neeg coob mus los, thiab cov chaw (npoo los sis ntug) nhuag kov tau nyob rau hauv cov chaw uas cov neeg ua hauj lwm, cov neeg ua si thiab cov neeg saib nhuag kov tau.
- Yuav tsum tu ntxuav kom huv si thiab tsuag tshuaj tua kab mob rau cov chaw plob (cov chaw tawm rooj lis sis hoob nab) ua ntej thiab tom qab txhua qhov dej num (hauj lwm los sis kiv cab kas) ntawm lub koom haum kis las.

Yog hais tias ua tau, cov koom haum kis las, cov xib fwb qhia thiab cov kws cob qhia yuav tsum:

- Txib hauj lwm rau ib tus neeg ntsuam xyuas qhia txhawm rau ua kom aub tseeb tias cov neeg ua si/cov neeg mus koom txuag tau kev nyob kom sib nrug deb ntawm lub cev txog li rau (6) fij (feet), xam nrog rau cov chaw nkag, cov chaw tawm, cov chaw plob (cov chaw tawm rooj lis sis hoob nab) thiab txhua lwm cov chaw uas muaj neeg coob nyob ua ke.
- Siv txoj cai pub “ib tus neeg-tawm tas-ib tus neeg-mam li nkag mus”, uas tsuas pub muaj ib tus tib neeg nkaus xwb nyob rau hauv chaw plob (chaw tawm rooj los sis hoob nab) ntawd nyob rau ib lub sij hawm.

Kev Nyob Kom Sib Nrug Deb thiab Kev Pub Neeg Nyob Coob Tsawg Npaum Li Cas:

Cov koom haum kis las, cov xib fwb qhia, cov kws txai txim thiab cov kws cob qhia yuav tsum tau:

- Tso ciam txwv kev pub muaj neeg nyob coob kawg nkaus rau txhua lub koob tsheej ua kis las ua si nyob rau ntawm lub chaw rau kev ua si sab nraum zoov uas tsuas pub muaj txog li 50 leej neeg nyob rau ntawm cov chaw rau kev ua si sab nraum zoov nkaus xwb.
- Tswj kev nyob kom sib nrug deb ntawm lub cev kom tau yam tsawg li rau (6) fij (feet) toj ib tus neeg.
- Tsim thiab nqis tes siv ib txoj kev npaj ua txhawm rau txwv tsis pub muaj cov neeg tuaj saib coob nkag mus rau hauv cov chaw ntawd es kom tag nrho cov neeg ua hauj lwm, cov neeg ua hauj lwm pab dawb, cov neeg cog lus ua hauj lwm nrog thiab cov neeg tuaj saib thiaj li muaj peev xwm txuag tau kev nyob kom sib nrug deb ntawm lub cev txog li rau (6) fij (feet).
- Txib hauj lwm rau ib tus neeg ntsuam xyuas qhia txhawm rau saib xyuas kom paub tseeb tias cov neeg tuaj saib txuag tau kev nyob kom sib nrug deb ntawm lub cev txog li

rau (6) fij (feet), xam nrog rau cov chaw nkag, cov chaw tawm, cov chav plob (cov chaw tawm rooj lis sis hoob nab) thiab txhua lwm cov chaw uas muaj neeg coob nyob ua ke.

- Kev tswj kev nyob kom sib nrug deb ntawm lub cev yog ib qho tseem ceeb tshwj xeeb rau cov neeg uas muaj [cov zwj ceeb mob lwm yam txuam nrog](#). Cov pab pawg no yog cov uas nyob rau kev pheej hmoo siab uas ua rau muaj mob hanyav vim los ntawm Tus Kab Mob Khaus Viv-19 (COVID-19).
- Txhawb siab rau txhua tus neeg nyob rau ntawm qhov chaw ua cov kis las rau ntawm lub chaw rau kev ua si sab nraum zoov, xam nrog rau tag nrho cov nav kis las, cov xib fwb qhia, cov tus kws txiav txim, cov neeg ua hauj lwm pab dawb thiab cov neeg cog lus ua hauj lwm nrog uas tsis nce rau leej twg kom yuav tsum txuag kev nyob kom sib nrug deb ntawm lub cev kom tau yam tsawg li rau (6) fij (feet) ntawm cov tib neeg uas tsis nyob rau hauv tib yim neeg, tshwj xeeb mas yog nyob rau hauv cov chaw uas niaj hnub nyob tas li.
- Thaum muaj ntau cov koob tsheej kev ua kis las sib tw (ua si) ua thooj txhij rau ntawm tib qhov chaw ua cov kis las rau ntawm lub chaw rau kev ua si sab nraum zoov nyob rau tib lub sij hawm, cov koom haum kis las, cov xib fwb qhia thiab cov kws cob qhia yuav tsum tau:
 - Xyuas kom paub tseeb tias cov nav kis las thiab cov neeg tuaj saib cov koob tsheej kev ua kis las sib tw (ua si) tsis sib koom tib qho chaw nyob ua ke, xam nrog rau tab sis kuj tsis yog tag rau cov chav plob (cov chaw tawm rooj lis sis hoob nab).
 - Tu ntxuav kom huv si thiab siv tshuaj tsuag tua kab mob rau cov chaw (npoo los sis ntug) nquag kov tau, xws li cov tes tuav qhov rooj, rau thaum lub sij hawm muaj cov kev sib tw los sis cov koob tsheej.
 - Xyuas kom paub tseeb tias tu ntxuav kom huv si thiab siv tshuaj tsuag tua kab mob rau cov chaw uas muaj neeg coob mus los xws li cov chaw nkag, cov chaw tawm, cov rooj ntawm qhov chaw kuaj xyuas neeg nkag thiab cov chav plob (cov chaw tawm rooj lis sis hoob nab) rau thaum lub sij hawm muaj cov kev sib tw los sis cov koob tsheej.
 - ♦ Yog hais tias cov pab pawg thiab cov neeg tuaj saib nyob rau ntawm tib lub koob tsheej kev ua kis las sib tw (ua si) ntawd sib koom siv ib chav plob (chaw tawm rooj los sis hoob nab), yuav tsum cia cov qhov rooj ntawm qhov chaw nkag/qhov chaw tawm qhib lug cia, yog hais tias ua tau, thiab xyuas kom paub tseeb tias tu ntxuav kom huv si thiab siv tshuaj tsuag tua kab mob rau cov chaw (npoo los sis ntug) nquag kov tau xws li cov tes tuav qhov rooj thiab cov kais dej tas li.
 - Yog ua tau, cov neeg ua hauj lwm tswj xyuas lub chaw ua cov kis las rau ntawm lub chaw rau kev ua si sab nraum zoov yuav tsum:
 - ♦ Muab cov sij hawm tuaj txog chaw thiab cov sij hawm sawv kev tawm mus sib txav nyias rau nyias ib lub sij hawm rau cov neeg ua hauj lwm, cov nav kis las thiab cov neeg tuaj saib txhawm rau txo kom tsis txhob muaj neeg coob tuaj sib sau nyob ua ke rau ntawm cov chaw nkag, cov chaw tawm thiab cov chav plob (cov chaw tawm rooj lis sis hoob nab) kom ua tau raws

li cov kev cai uas yuav tsum ua kom tau txog ntawm kev nyob kom sib nruv deb ntawm lub cev.

- ♦ Tsim kom muaj cov chaw nkag/cov chaw tawm uas sib cais nyias rau nyias rau cov neeg ua hauj lwm, cov nav kis las thiab cov neeg tuaj saib.
- Muab cov chaw qhia kis las ntawd cov rau cov thawj tswj xyuas hauj lwm thiab cov xib fwb qhia, thaum tsis siv rau kev xyaum/tsis siv rau kev ua kis las lawm txhawm rau ua kom paub tseeb tias tswj tau kev nyob kom sib nruv deb ntawm lub cev.

Kev Cob Qhia thiab Kev Ua Kis Las:

Cov koom haum kis las, cov xib fwb qhia, cov kws txai txim thiab cov kws cob qhia yuav tsum tau:

- Xyuas kom paub tseeb tias tsuas muaj kev sib chww tsawg kawg nkaus los sis pes nrab ntawm cov neeg koom nrog/cov nav kis las uas yuav tsum tau ua qhov kev sib tw kis las ntawd.
- Txwv tsis pub muaj kev sib tuav tes, kev nyob ua ke coob tshaj tsib leej neeg, cov kev sib chww ntawm lub nrig/lub lauj tshib, cov kev sib chww ntawm lub hauv siab thiab cov kev lom zem uas nyob ua pab pawg.
- Muab tus neeg ua si li khoom siv tso kom sib nruv deb txhawm rau tiv thaiv kom cov neeg ua si tsis txhob los mus sib chww ncaj qha nrog rau lwm tus.

Yog hais tias ua tau, cov koom haum kis las, cov kws txiav txim, cov xib fwb qhia thiab cov kws cob qhia yuav tsum:

- Txhawb siab rau cov nav kis las kom yuav tsum siv lawv qhov khoom siv ntiag tug nkaus xwb yog hais tias tsim nyog. Zam kom tsis txhob muaj los sis txo kom tsis txhob muaj kev sib koom siv cov khoom siv, yog hais tias ua tau.
 - Tej zaum qee cov khoom siv tseem ceeb yuav tsis muaj muab rau txhua tus neeg ua si. Thaum twg nws tsim nyog sib koom siv qhov khoom siv uas tseem ceeb los sis raug txwv ntawd, yuav tsum nquag tu ntxuav kom huv si thiab tsuag tshuaj tua kab mob rau tag nrho cov chaw (npoo los sis ntug) ntawm txhua qhov khoom siv uas sib koom ua ke ntawd tas li, raws li qhov tsim nyog rau hom kis las ntawd (piv txwv li nruab nrab ntawm cov neeg ua si, cov chaw, cov ncuaj sij hawm, los sis cov nkees (games)). Siv cov tshuaj tsuag tua kab mob uas raug xam muaj nrog nyob rau hauv [Lub Chaw Ua Hauj Lwm Saib Xyuas Txog Kev Pov Thaiv Cheeb Tsam Ib Puag Ncig \(Environmental Protection Agency, EPA\) daim ntawv teev npe uas tau txais kev pom zoo siv tau](#) rau tus kab mob vais lav (virus) SARS-CoV-2 uas ua rau tshwm sim muaj Tus Kab Mob Khaus Viv-19 (COVID-19).
 - Tu ntxuav tag nrho cov khoom siv uas chww ncaj qha rau lub taub hau, lub ntsej muag thiab ob txhais tes kom huv si yam muaj kev xyuas xim tshwj xeeb thiab ua kom ntxaws.
- Txhawb siab rau cov neeg ua si los sis lawv cov tswv cuab hauv tsev neeg kom yuav tsum tu ntxuav kom huv si thiab tsuag tshuaj tua kab mob qhov khoom siv ntawd tom qab kev siv txhua zaus, yog hais tias ua tau.

- Tsuas tso cai rau cov kws cob qhia, cov xib fwb qhia thiab cov neeg ua si mus koom tau cov kev xyaum ua si nkaus xwb txhawm rau ua kom paub tseeb tias txuag tau kev nyob kom sib nrug deb ntawm lub cev thiab tiv thaiv tau cov neeg kom tsis txhob sib sau nyob ua ke.
- Hais kom cov neeg yuav tsum nkag mus rau hauv cov chaw ntawd los ntawm ib qhov chaw nkag uas qhia tseg thiab tawm ntawm ib qhov chaw tawm uas qhia tseg. Siv cov paib qhia kom mus raws ib seem kev nkaus xwb. Ua zoo xav txog kev teem sij hawm thiab kev txav cov sij hawm tuaj txog rau ntaum cov chaw ntawd kom sib txawv txhawm rau txo kom tsis txhob muaj cov tib neeg coob tuaj txog thiab tawm nyob rau tib lub sij hawm.
- Nyob twj ywm rau sab nraum zoov ntawm cov chaw ntawd (piv txwv li nyob hauv tsheb) kom txog ntua lub sij hawm rau qhov kev xyaum ua los sis kev ua kis las uas tau teem tseg tso. Qhov no yuav pab ua rau kom cov neeg tawm tau ntawm cov chaw ntawd ua ntej yuav nkag mus thiab pab txo kom tsis txhob muaj neeg sib sau nyob ua ke coob. Txhawb siab rau cov neeg ua si thiab cov neeg ua si cov tsev neeg kom ua tib yam nkaus li ntawd.

Cov Chaw Muab Kev Pab Cuam Ntau Ntxiv:

- [Cov paib qhia uas koj muaj peev xwm tshaj tawm tau](#)
- [Cov Lus Qhia Txog Kev Siv Daim Ntaub Npog Qhov Ncauj Qhov Ntswg, Daim Thaiv Ntsej Muag, Daim Ntaub Npog Ntsej Muag Thoob Plaws Lub Xeev](#)
- [Cov Lus Qhia Rau Cov Kis Las Hauv Tsev Kawm Ntawm Qib K-12, Kev Rov Pub Ua Si Tau Ib Txhia Thoob Plaws Lub Xeev](#)

Kev muaj peev xwm nkag cuag tau rau daim ntaub ntawv: Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis yog Lus As Kiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Mavel Morales ntawm tus xov tooj 1-971-673-2411, 711 TTY los sis COVID19.LanguageAccess@dhsaha.state.or.us.